

миса по земли. И рече Бѡгъ: се дахъ вамъ всѣмъ тра-
вѣ сѣмѣнную сѣющую сѣмѣю, еже есть верхъ земли всеа:
и всѣмъ древо, еже имать въ себѣ плодъ сѣмене сѣ-
меннаго, вамъ будетъ въ пищу. И всѣмъ звѣремъ
земнымъ, и всѣмъ птицамъ небеснымъ, и всѣмъ га-
дѣ пресмыкающемуся по земли, иже имать въ себѣ дѣ-
шѣ животѣ, и всѣмъ травѣ зеленѣющей въ пищу: и бысть
такъ. И видѣ Бѡгъ все, елика сотвори: и се двѣри зѣ-
ла: и бысть вечеръ, и бысть утро, день шестый.

Гл. 2.

И совершишася небо и земля и все оукрашеніе ихъ.
И соверши Бѡгъ въ день шестый дѣла свои, иже сотво-
ри: и почилъ въ день седмый ѿ всѣхъ дѣлъ своихъ, иже
сотвори. И благослови Бѡгъ день седмый, и ѡсвяти его:
иже въ той почилъ ѿ всѣхъ дѣлъ своихъ иже начатъ Бѡгъ
творити.

Гл. 7.

И рече Господь Бѡгъ къ Нѡю: вниди ты и весь домъ
твой въ ковчегъ, иже ты видѣхъ праведна предъ мною
въ родѣ семъ. Ѿ скотовъ же чистыхъ введи къ себѣ
седмь, седмь мужескій полъ и женскій: ѿ скотовъ же нечи-
стыхъ два два, мужескій полъ и женскій. И ѿ птицъ
небесныхъ чистыхъ седмь седмь, мужескій полъ и жен-
скій: и ѿ всѣхъ птицъ нечистыхъ двѣ двѣ, мужескій
полъ и женскій, принятии сѣмѣю по всей земли. Еще бо
дней седмь, азъ наведу дождь на землю четыредесать
дней и четыредесать ношей: и потреблю все оное востаніе,
еже сотворихъ, ѿ лица всеа земли. И сотвори Нѡе все,
елика заповѣда ему Господь Бѡгъ. Нѡе же бѣ лѣтъ
шести сотъ, и потопа водный бысть на земли. Вниде
же Нѡе, и сынове его, и жена его, и жены сынѡвъ его
съ нимъ въ ковчегъ, воды ради потопа. И ѿ птицъ чи-
стыхъ, и ѿ птицъ нечистыхъ, и ѿ скѡтъ чистыхъ, и ѿ